

# Kvenna listans 7. áttalbreyf

7. tgl. 1993 / 11. árg.

Ab. Kristín Hallgríðsdóttir  
Útg. Kvennalistans, Laugavegi 17  
Sími: 91-13725, fax: 91-27560

Kristín Jónsdóttir  
Málba 28  
110 REYKJAVÍK

## Sumarvinna Kvennalistans

Vorþing Kvennalistans að Núpi í Dýrafirði samþykkti að fela starfskonu Kvennalistans að kalla saman svonefnt atorkuráð, einn fulltrúa frá hverjum anga, starfskonur, þingkonur og sveitarstjórmakonur listans, fyrir lok júlí. Hlutverk atorkuráðs er að leggja lokahönd á mótun tillagna að framtíðar skipulagi starfsháttu Kvennalistans, sem verði afgreiddar á næsta landsfundi. **Fundur atorkuráðs verður haldinn á Laugavegi 17 mánudagskvöldið 19. júlí og hefst kl. 19.00.**

Á vorþinginu var einnig ákveðið að kalla til funda í a.m.k. þremur starfshópum í júlí til þess að ræða stöðu mála og undirbúa frekari vinnu í haust. Fyrsti fundurinn verður á Laugavegi 17 **mánudaginn 12. júlí kl. 20.30.** Þá verða **atvinnumálin** á dagskrá, og mun Ingibjörg Sólrun leiða þá umræðu. Daginn eftir, **priðjudaginn 13. júlí kl. 20.30** funda konur á tveimur stöðum um **sjávarútvegsmál**, Jóna Valgerður býður til fundar á heimili sínu fyrir vestan, en Anna Stjórnar fundi á sama tíma á Lauga-vegi 17. Loks verður fundur um **ríkisfjármálin** **priðjudaginn 20. júlí kl. 20.30** á Laugavegi 17, og ætlar Kristín Einarsdóttir að halda utan um þá vinnu.

Þess er vænst, að konur flykkist á þessa fundi, sólbrúnar og sælar og óðfúsar að leggja sitt til málanna, því nú er brýnt sem aldrei fyrr að standa þétt við bakið á þingkonunum okkar. Það er lítill vafi á, að haustið verður heitt og veturninn erfiður.

# Sannkallað orkuþing

Kvennalistakonur komu saman til vorfundar að Núpi í Dýrafirði 11. - 13. júní sl. Þær byrjuðu samveruna á föstudagskvöld með því að ganga á Mýrarfell í góða veðrinu og óku svo út á Ingjaldssand til að njóta miðnætursólarinnar þar. Á laugardagsmorgun gengu konur í Núpskirkju, þar sem þær minntust tveggja látinna Kvennalistakvenna.

## Ástandið á þjóðarheimilinu

Fyrst á dagskrá fundarins var ástandið á þjóðarheimilinu, horfurnar framundan og hin pólitíska staða í ljósi mikils óróa og ráðaleydis innan ríkisstjórnarinnar. Þingkonur höfðu framsögu, en síðan voru líflegar umræður. Konum fannst allt eins líklegt, að draga mundi til tíðinda með haustinu og jafnvel að kosningar yrðu fyrr en síðar. Kvennalistakonur treysta ekki núverandi ríkisstjórn til þess að jafna áfallinu af aflabresti og annari óáran réttlátlega niður á landsmenn og enn síður til að horfa til framtíðar og undirbúa sókn í atvinnumálum. Ríkisstjórnin glímir við innri átök og er upptekin við að raða vinum og flokksmönnum á ríkisjötuna í stað þess að vinna að alvöru stjórmálum. Það leyndi sér ekki í máli fundarkvenna, að þeim fannst löngu tími til kominn að Kvennalistakonur fengju meira ráðið um gang mála, það pyrfti að taka miklu meira tillit til stöðu kvenna og fjölskyldnanna í landinu og hafa að leiðarljósí að nýta betur það sem við eignum.

## Broddfluga sem stingur?

Sigríður Lilly leiddi síðan umæður um innri mál Kvennalistans. Þær fóru að mestu fram í hópum, þar sem konur leituðust við að svara spurningum um það, hvað Kvennalistinn hefði átt að verða, hvað hann væri nú og hvert hann stefndi, hvort hann væri raunverulega ljósmóðir nýrra hugmynda, broddfluga sem stingur, vinkvennasamband eða samband sérfróðra

kvenna. Í umræðum um það, hvernig við næðum best markmiðum okkar, urðu margar til þess að nefna nauðsyn þess að komast í ríkisstjórn, og af einhverjum ástæðum var það eitt af því fáa, sem rataði inn í fjölmíðlafréttir af fundinum.

Rætt var um undirbúning undir sveitarstjórnarkosningar að ári og samþykkt sérstök áskorun til kvenna að gefa kost á sér til starfa í sveitarstjórmum. Kvennalistakonur í Reykjavík og á Ísafirði hafa þegar ákveðið að bjóða fram sérlista, en annars staðar er umræðan skammt á veg komin.

### **Utanríkisstefna til umræðu**

Anna Kristín Ólafsdóttir hafði framsögu um alþjóðamál og velti upp spurningum, sem Íslendingar sem og aðrar þjóðir þurfa að glíma við í ljósi breytrra aðstæðna í heiminum. Það var niðurstæða umræðnanna, að losa þurfi íslenska utanríkisstefnu úr hlekkjum kalda stríðsins og skilgreina upp á nýtt það hlutverk, sem við ætlum okkur í samfélagi þjóðanna. Vaxandi átök og ofbeldi viða um heim, þar sem konur og börn virðast sérstaklega höfð að skotspæni, er mikið áhyggjuefni og augljóst, að okkur ber að standa vörð um mannréttindi hvarvetna í heiminum og láta rödd okkar hljóma í págu friðar og réttlætis.

### **„Það var kátt hérra um laugardagskvöldið...“**

Sitthvað fleira en gallhörd pólítík var á dagskrá, enda tilgangur vorþings ekki síst að gefa Kvennalistakonum um allt land færí á að hittast og eiga saman góðar stundir. Inn á milli stjórmálaumræðna fundu konur sér tíma til gönguferða og sundiðunar, þær skoðuðu dúnþreinsunina að Læk og gróðursætu trjáplöntur að Núpi. Á laugardagskvöldið var stórkostleg grillveisla, og er deginum ljósara, að eitthvað býr fleira en kjöt í vestfirskum fjallalömbum, því að neyslu lokinni leystist úr læðingi gríðarleg orka, sem entist misjafnlega langt fram eftir nótta. Söngur var mikill og fagur, sumar fóru m.a.s. upp á borð til að njóta sín betur. Gígja Svavars og Guðrún Gísla sýndu frumsaminn leikþátt, sem endaði með algjörum skalla Guðrúnar - í alvöru! Elsa Guðmunds kenndi konum salsa dans, og þær fylltust slíku sjálfstrausti, að úr varð keppni um ráðherrastóla fyrir bestu útfærsluna. Sú æsilegasta fékk embætti fjármálaráðherra. Nóttin reyndist ekki öllum nógu löng til að fá útrás orku sinnar, en ekki orð um það meir!

Rausnarlegar móttökur Vestfjarðakvenna og kyngrimögnumáttúra Vestfjarða áttu stóran þátt í velheppnuðu vorþingi Kvennalistans 1993.